



**OBILJEŽEN 18. SEPTEMBAR DAN
OPĆINE MAGLAJ
PRIZNANJA DODIJELJENA:
Općinskom načelniku Mehmedu
Mustabašiću, Sulejmanu Deliću,
MDD „Merhamet“ RO Maglaj, školi
rukometa „PINGO“ i prof.dr.
Mustafi Yazicioglu**

2



**OTVORENA NOVOIZGRAĐENA
ŠALTER SALA - korak bliže
građanima**

4

**POČELA MANIFESTACIJA
„SEPTEMBRSKI DANI OTPORA
MAGLAJ 92.-95.“ - u naselju Ravna
otkriveno spomen-obilježje
šehidima tog kraja**

7



**OPĆINSKO VIJEĆE TRAŽI
PONOVNU USPOSTAVU
OPĆINSKOG SUDA U MAGLAJU**

9



**SVEČANOST KAKVU MAGLAJ NE
PAMTI - otvorena nova gradska
džamija „Vali Recep Yazicioglu“**

5



**„ZAJEDNIČKI PROJEKAT 2008.“
-na maglajskom području počinje
sanacija 36 kuća**

7

Obilježen 18.septembar - Dan općine Maglaj

NAČELNIKU MUSTABAŠIĆU DODIJELJENO NAJVIŠE OPĆINSKO PRIZNANJE - GRB MAGLAJA

Polaganjem cvijeća na Centralno spomen obilježje šehidima, poginulim braniocima / braniteljima i civilnim žrtvama rata iz perioda 1992-1995. u „Parku Ljiljana“ i svečanom sjednicom Općinskog vijeća svečanom akademijom, obilježen je 18.09. Dan općine Maglaj.



Obraćajući se prisustnima, predsjedavajući Općinskog vijeća Mirsad Nalić istakao je slijedeće: „Bavili smo se pitanjima koja su isključivo vezana za poboljšanje uslova života naše zajednice, donošenjem kvalitetnih odluka i rješenja, pokretanjem inicijativa u svrhu razvoja malog i srednjeg poduzetništva, poljoprivrede, zaštiti kulturno historijskih i obnovi ili izgradnji vjerskih objekata, poboljšanja rada nevladinog sektora, sportskih organizacija....Nekima su



to možda mali i usporeni koraci, ali onima koji žele vidjeti oko sebe dovoljno je proći ovim gradom bilo sa sjeverne ili južne strane, pa da vide šta je to sve ovdje urađeno u relativno kratkom periodu od putne infrastrukture, izgradnjom modernih saobraćajnica i prilaza, do uličnih rasvjeta, sanacije klizišta i poboljšanju uslova života u mjesnim zajednicama. Zasluge za to pripadaju svakako svima nama koji ovdje i živimo i radimo.

Ipak najviše pažnje posvećeno je rješavanju gorućeg problema koji će, vjerujem, u bližoj budućnosti, ovaj grad skloniti sa liste gradova koji nemaju centralno grijanje. Rješavanje ovog problema je izuzetno složeno, ali početni rezultati daju nam ohrabrenja da posao i naša vizija nisu uzaludni“.

„Samo ću u kratkim crtama navesti da smo priveli kraju izgradnju šalter sale kao još jedan korak u reformi lokalne uprave i približavanju administracije građanima, završili smo projekat vodosnabdjevanja grada Maglaja, počeli aktivnosti na rješavanju centralnog grijanja, priveli kraju poslove na izgradnji nove gradske džamije, pomogli u izgradnji ili izgradili sportske poligone, trotoare, uličnu rasvjetu u mjesnim zajednicama... Nastavljamo sa realizacijom projekata u oblasti povratka ljudi na njihova ognjišta, razvoja poljoprivrednih i privrednih djelatnosti. U vrijeme sveopšte krize i recesije koja se odražava posebno na lokalne jedinice upravljanja, trudimo se da se to ne oslikava na svakodnevni život. Pratimo rad javnih ustanova, sportskih kolektiva, udruženja, podržavamo mlade, obnavljamo infrastrukturu...I zato je Maglaj danas prepoznatljiva sredina. Stari imidž vratio mu je papir, zadržao međunarodni festival „Studentsko ljeto“, a dalje ga promiču naši učenici, sportisti u validnom i invalidnom sportu, naši privrednici koji svoje proizvode izvoze širom BiH, Europe i svijeta...“, rekao je općinski načelnik Mehmed Mustabašić.



Predsjedavajući Nalić i načelnik Mustabašić u svojim govorima u prvi plan su stavili viziju razvoja Maglaj :

- razvijena privreda i poduzetništvo što će rezultirati otvaranjem radnih mjesta i smanjenjem nezaposlenosti;
- prostorno uredjena lokalna zajednica;
- utvrđivanje infrastrukturne mreže i uskladjivanje iste sa potrebama stanovništva i privrednika i sl;

Daleke 1408. godine, 18. septembra ugarski kralj Sigismun u svojoj povelji napisao je "Sub castro nostro Maglay" - "pod našom tvrđavom Maglay". To je prvo pominjanje imena Maglaja u pisanim dokumentima i datum koji se obilježava kao Dan općine.



Na svečanoj sjednici Općinskog vijeća priznanje "Plaketa Maglaja" dodijeljeno je MDD "Merhamet" - Regionalni odbor Maglaj i Sulejmanu Deliću.



"Nagrada Maglaja" ove godine dodijeljena je Školi rukometa "Pingo", koja djeluje u okviru Rukometnog kluba Maglaj.



Najviše općinsko priznanje "Grb Maglaja" dobio je općinski načelnik Mehmed Mustabašić.

Za počasnog građanina Maglaja proglašen je prof. dr. Mustafa Yazicioglu, državni ministar Turske, brat rahmetli Recepa Yazicioglua koji je prije 12 godina inicirao izgradnju Nove gradske džamije u Maglaju.



Svečanosti su prisustvovali i brojni gosti među kojima su savjetnik dopredsjednika FBiH Mirza Sulejmanović, predsjedavajući Skupštine ZDK Sead Zaimović, kantonalni ministar Josip Martić, načelnik općine Žepče Mato Zovko i brojni drugi.....Program su uveličali članovi Gradskog mješovitog hora i učenice Gimnazije „Edhem Mulabdić“ Vildana Omerović i Kibar Hadžišehić.

OTVORENA ŠALTER SALA

- Privedeni su kraju višemjesečni radovi na izgradnji prostora kojim općina Maglaj namjerava pojednostaviti i svoje usluge što više približiti svojim građanima.



Svečanosti otvaranja rekonstruisane i u potpunosti opremljene šalter sale, pored predstavnika zakonodavne i izvršne vlasti Maglaja, prisustvovali su i. Thomas Ruegg, direktor Švicarske agencije za razvoj i saradnju (SDC)-kancelarija za BiH, premijer ZDK Miralem Galijašević, izvršna direktorica Centra za menadžment, razvoj i planiranje - MDP Inicijative Snežana Mišić, te brojni građani.

Otvarenje šalter sale je od posebnog značaja i za privrednike jer će biti poboljšane procedure registracije poslovnih subjekata i izdavanje građevinskih i ostalih potrebnih dozvola.

U ovom rekonstruisanom i moderno uređenom prostoru postavljeno je ukupno osam šaltera. Urađeni su i prilazi za invalidna lica. Šalter sala opremljena je modernom kompjuterskom opremom Tako će, bez dužih čekanja, u šalter - sali građani moći dobiti slijedeće vrste usluga: sve usluge vezane za matične evidencije, podnijeti sve vrste zahtjeva na pripremljenim obrascima, dobiti neophodne dokumente iz evidencija katastra i imovinsko-pravnih evidencija, itd...

U ovom rekonstruisanom i moderno uređenom prostoru postavljeno je ukupno osam šaltera. Urađeni su i prilazi za invalidna lica. Šalter sala opremljena je modernom kompjuterskom opremom Tako će, bez dužih čekanja, u šalter - sali građani moći dobiti slijedeće vrste usluga: sve usluge vezane za matične evidencije, podnijeti sve vrste zahtjeva na pripremljenim obrascima, dobiti neophodne dokumente iz evidencija katastra i imovinsko-pravnih evidencija, itd...



Potrebu izgradnje šalter sale općine Maglaj, prepoznali su predstavnici Centra za menadžment i razvoj MDP inicijative te Švicarske agencije za razvoj i saradnju koji su zajedno sa općinom Maglaj u realizaciju projekta uložili gotovo 230 hiljada KM.

Gospodin Reugg nije krio zadovoljstvo realizovanim projektom ističući visok nivo kooperativnosti općinske administracije u Maglaju.

Općinski načelnik Mehmed Mustabašić zahvalio je MDP

Inicijati
ve i
Švicarsk

oj agenciji za razvoj i saradnju MDP što su prepoznali potrebu unapređenja i modernizacije općinske administracije, kako bi mogla još efikasnije odgovoriti potrebama i zahtjevima svojih građana.

„Cijenim vašu finansijsku i svaku drugu vrstu pomoći u rekonstrukciji i opremanju prostora namijenjenog za



šalter salu. Bez nje, općina Maglaj bi sigurno mnogo teže projekat privela kraju“, naglasio je načelnik Mustabašić.

U Izgradnju šalter sale u Maglaju uloženo je više od 230 hiljada KM. Projekat izgradnje i uređenja potpisuje vrsna arhitektica Vedina Babahmetović, a poslove su izveli radnici nekoliko građevinskih firmi.



Otvorena nova gradska džamija „Vali Recep Yazicioglu“

BISER MEĐU MODERNIM GRAĐEVINAMA

• U centru Maglaja otvorena je nova gradska džamija „Vali Recep Yazicioglu“. • Dvodnevnoj svečanosti prisustvovalo preko 35 hiljada vjernika. • Svečanosti prisustvovali i najviši vjerski i državni službenici Bosne i Hercegovine i Republike Turske. • Istaknuto je kako nova džamija treba biti mjestom susreta mladih i starih, kako posao izgradnje ne bi bio uzaludan.



Svečanosti otvaranja nove džamije u Maglaju, koja sada krasi novi dio grada, prisustvovali su reisu-l-ulema Islamske zajednice u BiH Mustafa ef. Cerić, reisu-l-ulema prijateljske Turske prof. Dr Ali Bardakuoglu, njegovi zamjenici prof. dr Fikret Karaman i prof. dr Izet Eru, članovi Upravnog odbora Vakufa za socijalna i vjerska pitanja, muftija zenički mr. Ejup ef. Dautović, muftija travnički mr. Nusret ef. Abdibegović, muftija banjalučki Edhem ef. Čamdžić, delegacije Mešihata Islamske zajednice Hrvatske i Slovenije, ambasador Turske Bulent Tulun i generalni konzul u Mostaru Turgut

Kural, predsjednik TIKA_e (Turske međunarodne agencije za razvoj i podršku) Musi Kulaklikaya, premijer ZDK Miralem Galijašević, općinski načelnik Mehmed Mustabašić, vlč. Jakov Filipović (koji je svoje obraćanje završio na turskom jeziku), paroh maglajske parohije Dalibor Djekić i brojni drugi.

Glavni imam Medžlisa IZ Maglaj, h. Izudin ef. Kruško rekao je kako u životu svake generacije ljudi postoje događaji koji se samo jednom doživljavaju i dodao : „Ovaj dan za sve nas u Maglaju je veliki događaj. Kroz Maglaj su prošli brojni putnici, mnogi



su o njemu pisali, slikali njegovu ljepotu, posvećivali mu pjesme svoje i duše i srca, ali niko ga tako davno 1562.godine, kao Jusuf paša ne učini znakovitim po svom neprolaznom vakufu Kuršumlija džamiji. Ova džamija u Maglaju nije samo poklon herojskom narodu ovog grada, ona je neraskidiva veza istoka i zapada, koja spaja njegove obale života, prošlost i budućnost. Ako je šehar Sarajevo, Jerusalem Europe, onda s pravom i ponosom danas kažemo da je Maglaj, Jerusalem, Bosne i Balkana. To ova džamija povrtđuje, na našem putu ka europskom zajedništvu, naroda i kulture“, istakao je glavni imam.

Općina Maglaj je riješila imovinsko pravne odnose za izgradnju džamije uz ogromne napore i veliko zalaganje, jer je to problem koji je bio prisutan posljednjih 10-tak godina, po ispunjenju uvjeta za dobijanje istih obezbijediće neophodne saglasnosti i odobrenja, finansirana je izgradnja kanalizacija u visini od oko 26 hiljada KM, finansijski je učestvovala u dijelu protokola svečanog otvaranja džamije. Općinsko vijeće je na sjednici od 21.05.2009.godine donijelo Odluku kojom se reguliše visina naknade za pogodnost (rente) i naknade za uređenje građevinskog zemljišta, vezano za izgradnju poslovnih i poslovno stambenih objekata, gdje se ista kod izgradnje vjerskih objekata u kojima se obavljaju vjerski obredi umanjuje za 25%. Po zaključku Općinskog vijeća, općina Maglaj će donirati 35.000,00 KM, a sredstva će biti doznačena na račun Islamske zajednice isti dan kada Medžlis IZ Maglaj bude spreman izvršiti uplatu sredstava po osnovu obaveza koje ima po osnovu izdatih rješenja za dobijanje potrebnih saglasnosti i dozvola.

Radovi na izgradnji džamije „Vali Recep Yazicioglu“ počeli su 01.09.2008.godine. Neimari firme „Famus gradnja“ Tešanj su ovo zdanje izgradili za 300 radnih dana i milion radnih sati. Vrijednost izvedenih radova i opreme je 3.000.000,00 KM. Ugrađeno je oko 2.000 m³ betona i 150 tona željeza. Prečnik kupole je 17 metara, a visina 22,80 metara. Minareti su visoki 42 metra. U džamiji je instalirano najmodernije podno grijanje. Džamiju je projektovao arhitekta iz Ankare Salim Alpa na sjajnom idejnom rješenju nove gradske džamije sa pratećim sadržajima, koja svojom arhitekturom i monumentalnošću odiše ljepotom stila, tradicionalnog i modernog građenja i urbanizacije okoline. Sjajno idejno rješenje u izvedbeni projekat džamije pretvorio arhitekta - Maglajlija Majid Alispahić sa svojom mladom ekipom.



Za trajno podsjećanje na ovaj dan priznanja su uručena dr Fikretu Karamanu, muftiji zeničkom mr Ejub ef. Dautoviću, te Salimu Karahmetu, direktoru i vlasniku firme „FAMUS gradnja“ Tešanj.

Vakufname su dododijeljene : DINI VE SOSIYAL HIZMET VAKFI, iz Ankare, Vakufu koji je investitor ovog projekta, prof. dr Said Mustafa Yazicioglu, brat plemenitog valije Recepta, čije ime nosi ova džamija i reis-l-ulemi prijateljske Turske dr Ali Bardakuoglu. Reisu-l-ulemi Islamske zajednice u BiH Mustafi ef. Ceriću uručena je slika sa motivima Maglaja, rad akademskog slikara Fuada Čičkušića.

Reisu Ceriću ključeve jedne od najljepših džamija uručio je predsjednik Izvršnog odbora Medžlisa Maglaj, mr Mirsad Hasanić.

U MJESNOJ ZAJEDNICI RAVNA IZGRAĐENO SPOMEN OBILJEŽJE I SPORTSKI POLIGON

Na spomen-obilježju u mjesnoj zajednici Ravna uklesana su imena šest šehida ovog mjesta: **Izudin (Avde) Muminović, Mustafa (Sulje) Kalabić, Ahmo (Salke) Kalabić, Esad (Mehmeda) Suljaković, Jasmin (Bege) Spahić i Ramiz (Muhameda) Spahić.**

Drugog dana Ramazanskog bajrama koji se odlukom Rijaseta IZ BiH obilježava kao Dan šehida u naselju Ravna, otkriveno je novoizgrađeno spomen-obilježje, čiju izgradnju su pomogli Ministarstvo za boračka pitanja ZDK, Općina Maglaj, boračke organizacije i udruženja, SDA Maglaj i brojni drugi.... Od ukupno 14 hiljada KM, mještani su obezbijedili 6.500, a pored spomen obilježja urađen je i pristupni put, tribina i ograda oko izgrađenog sportskog poligona, kojeg su svečano otvorili općinski načelnik Mehmed Mustabašić i poslanik u Domu naroda Parlamenta FBiH Muhamed Osmić.

POČELI „SEPTEMBARSKI DANI OTPORA MAGLAJ 92-95“



Položanjem cvijeća na Centralno spomen obilježje u Parku Ljiljana i prigodnim obraćanjima rukovodioca nadležne Službe Azre Čakrama i predsjednice Organizacije porodica šehida i poginulih boraca općine Maglaj, počela je manifestacija



„Septembrski dani otpora Maglaj 92.-95.“, kojom se Maglajlije prisjećaju i od zaborava čuvaju najteže vrijeme u novijoj historiji, period od 1992 do 1995.godine. Cvijeće je položeno i na šehidskom mezarju Podborik i spomen ploču prvom šehidu općine Maglaj Rifatu Abidoviću.

POČINJE SANACIJA 36 KUĆA



Povratnici srpske nacionalnosti, njih 36, sa načelnikom općine Maglaj Mehmedom Mustabašićem, potpisali su ugovore o sanaciji kuća i to po sistemu "ključ u ruke". Kuće će biti sanirane u naseljima . Gornja i Donja Bočinja, Krsno Polje, Brezovi Dani, Bakotić, Donji Rakovac, Jablanica, Ošve, Bijela Ploča, Novi Šeher, Radojčići i Donji Ulišnjak Radove će izvesti firme "Ozrenprojekt" iz Petrova i "Teslička trgovina" iz Teslića.

Projekat je „težak“ 625 hiljada KM, a ukoliko vremenske prilike dozvole poslovi bi trebali biti završeni do zime.

Pomoć u rekonstrukciji i povratku dodijeljena je u okviru implementacije projekta "Zajednički projekti 2008.", odobrenog od strane Komisije za

izbjeglice i raseljene osobe u BiH, koji se finansijski realizuje kroz Fond za povratak.

Federalno ministarstvo poljoprivrede, vodoprivrede i šumarstva počelo je realizaciju projekta „Registar poljoprivrednih gospodarstva / gazdinstava (RPG) i Registar klijenata.

Cilj ovog projekta jeste sačinjavanje jedinstvene baze podataka poljoprivrednih gospodarstava / gazdinstava, te bi ti podaci bili osnova za predviđanje sredstava koja bi se izdvajala za poticaje poljoprivredne proizvodnje na nivou cijele države. Nadležna općinska Služba zaprimila je do sada 52 zahtjeva i izdala 50-tak obrazaca za popunjavanje.

U narednom periodu očekuje se nabavka neophodne kompjuterske opreme i softvera za obradu podataka za upis u jedinstvenu bazu podataka RPG i RK na nivou cijele države.

O PRIPREMI AKTIVNOSTI ZA DOKUMENTACIJU ZA IZGRADNJU SISTEMA CENTRALNOG GRIJANJA U GRADU MAGLAJU



Nakon Odluke o pristupanju izrade projektne dokumentacije sistema centralnog grijanja grada Maglaja, općina Maglaj je pristupila izradi projektnog zadatka toplovoda (magistralnog cjevovoda) i fizibility studije izgradnje kotlovnice centralnog grijanja. Prihvaćena je ponuda firme „Termo biro“ iz Doboj Istoka za izradu projektnog zadatka magistralnog cjevovoda od pozicije budućeg mosta do Osnovne škole „Maglaj“ u dužini od cca 1.000 m, koja je posao okončaka krqajem jula

mjeseca. Početkom augusta podnesen je zahtjev za izdavanje urbanističke saglasnosti za magistralni cjevovod., koja je izdata sredinom septembra mjeseca. Glavni projekat će se raditi nakon definisanja konačnog konzuma budućeg sistema centralnog grijanja, što treba potvrditi Općinsko vijeće na svom narednom zasjedanju.

Prihvaćena je ponuda firme „Kirki Suri“ Beograd za prikupljenje podataka i izradu Fizibiliti studije izgradnje kotlovnice sistema centralnog grijanja grada Maglaja. Studija koja je koštala 5.500 EUR-a završena je 25.08.2009.godine i predata na internu reviziju, koju će uraditi formirana komisija sastavljena od stručnjaka iz ove oblasti.

Sa predstavnicima zakonodavne i izvršne vlasti organizovan je okrugli sto na kojem je razgovarano o trenutnim aktivnostima ali i onone što pred općinom Maglaj stoji u narednom periodu kada je sistem centralnog grijanja u pitanju.

Paralelno se radilo i na pripremi izmjene Regulacionog plana za lokaciju na Omerdinom polju kaqo i provjeri podataka i pripremi postupka rješenja imovinsko pravnih odnosa za lokaciju kod „stare gimnazije“ na Omerdinom Polju. Nadležnim federalnim ministarstvima upućeni su upiti vezani za dobijanje urbanističke saglasnosti i okolinske dozvole.



OPĆINSKO VIJEĆE TRAŽI PONOVNU USPOSTAVU OPĆINSKOG SUDA U MAGLAJU



Da općina Maglaj nije odustala od namjere da se u ovaj grad vrati Općinski sud, pokazuju i zaključci sa posljednjeg zasjedanja Općinskog vijeća:

- Obzirom da je u toku procedura izmjene Zakona o sudovima Federacije Bosne i Hercegovine, Općinsko vijeće

Maglaj traži povratak ponovnu uspostavu Općinskog suda u Maglaju.

- Ponovnom uspostavom Općinskog suda u Maglaju ispravila bi se nepravda nanescena općini Maglaj i svim

njenim građanima, jer je do ukidanja suda isti funkcionisao stotinu godina.

- Ovu argumentaciju za uspostavom Općinskog

suda dostavljena je ranije a spremni smo istu usmeno i pismeno detaljno obrazložiti.

OPĆINSKI PARLAMENT ZASJEDA 01.10.2009.GODINE

Na osnovu člana 59. Poslovnika o radu Općinskog vijeća Maglaj („Službene novine općine Maglaj“, broj : 2/09) i zaključka Kolegija Općinskog vijeća od 17.09.2009.godine, predsjedavajući Općinskog vijeća Mirsad Nalić sazvaio je 9.redovnu sjednicu za četvrtak, 01.10.2009.godine od 9,00 sati u Sali Doma kulture „Edhem Mulabdić“.

Nakon verifikacije zapisnika sa prethodne sjednice, vijećničkih pitanja i inicijativa, razmatraće se utvrđeni dnevni red:

1. Izvještaj o izvršenju Budžeta za period 01.01.-30.06.2009.godine
2. Prijedlog Odluke o usvajanju Regulacionih planova Kosova, Novi Šeher, Liješnica
3. Informacija o dostignutom stepenu pripreme dokumentacije za izgradnju sistema centralnog grijanja grada Maglaja
4. Prijedlog Odluke o izmjeni i dopuni Odluke o građevinskom zemljištu
5. Prijedlozi rješenja iz Službe za urbanizam, geodetske i imovinsko pravne poslove
6. Prijedlog Odluke o prijenosu prava raspolaganja stana Osnovnoj školi „Maglaj“
7. Informacija o stanju poljoprivrede na području općine Maglaj
8. Izvještaj o radu JU Dječiji vrtić za 2008.godinu i Program rada za 2009.godinu
9. Informacija o radu odgojno obrazovnih ustanova na području općine Maglaj u školskoj 2008/2009.godini
10. Informacija o stanju javnog reda i mira na području općine Maglaj.

Izdavač Biltena: Općina Maglaj Za izdavača: Mehmed Mustabašić, općinski načelnik Adresa: Viteška 4, Maglaj

<http://www.maglaj.ba> e-mail: opcina@maglaj.ba

Telefon 032 603 380 Fax 032 609 551 Tiraž 250 primjeraka.

Bilten je upisan u Evidenciju javnih glasila Ministarstva za obrazovanje, nauku, kulturu i sport

Zeničko dobojskog kantona pod rednim brojem 24 od 21.08.2000.godine u skladu sa Zakonom o informisanju. Bilten izlazi krajem mjeseca.